

Burgens
Vom VNGERI-
SCHEN Krieg/

Wie die vnsern PAP-
PA erobert / vnd R A B
belagert:

Vnd von A M I E N S, vnd andern
Niederlendischen / Franckösischen vnd
Engellendischen sachen:

Gedenckwürdige Zeitungen/

Meisten theils in diesem Monat September/
vnd nächst verschienen Augusto,
Datieret.



ANNO

M. D. XCVII.



Auß Prag/von Elfften Septemb.

Ann 97.

Drgestern ist abermal ein Curirer vom Siebenbürger / welcher diesen ganken Sommer vber / zu Constantinopel gewesen / vnd in Siebenbürgen wieder von dannen ankommen / alher geschickt worden / der bringe Zeitung / das durch Anreizung des Moscowitters / der Persianer den Türcken mit Krieg angefallen / bereidt 3. fürnehmte Städte vnd 10. Flecken demselben abgetrungen / vnd stets gegen dem Türcken fort fahren / vnd im das Land so er im vor diesem abgenommen / wieder mit macht willens einzunemen.

Der Muscowitter soll gleichfals den Tatter Han / den der Türkische Keyser vor diesem hat abgesetzt / wieder mit gewalt einsetzen / vnd den andern Han wieder verjagen / Wie dann der vom Türcken eingesezte / als welcher diesen Sommer in Ungern ziehen wollen / auch im heraus Zug gewest / wie er aber des Moscowitters vorhaben / den alten Han widerumb zu setzen / vernomen / hat er sich wiederumb zu ruck gewandt / vnd diesem Feuer willens vorzukommen.

Von vnserm Lager vernehmen wir so viel / das solches am verschieneen Sonntag / auff Raab gerückt / Solchen ort zubelagern / vnd aus zuhungern / Gott gebe ihnen glück vnd Segen / das sie solche Bestung widerumb erobern mögen / Dargegen hat der Siebenbürger die Bestung Iullya auch belagert / Gott gebe ihm auch Glück. Es ist auch mit weniger Feyrung der Wallachische Fürst.

Die Canischer seind vorscheienen tagen / von dem Türcken geschlagen / vnd seind in die 100. vmbkommen / Der obermelte

bemelte Curirer sagt auch/ das nicht mehr also 25000.
Türcken von Constantinopel auff Hungern heraus gezogen
sein / Er habe auff dis Jar mit vielen Volcks nicht
auff kommen können.

Vnd wie sich die Prager Newstetter mit schendlicher
abmazing der Wallonen diese tagen verhalten. Ges-
tern hat man aber nackende zwey Wallonen im Mist ge-
funden / wie die sag ist / werden ihre May. ernstlich / die
Thetter straffen/am Leib/Ehr vnd gut.

Auß dem Veltlager in Grabaten bey Veroni-
ticha. Vom 8. September Anno 97.

Gut hat vnser Kriegsvolck den Türkischen Flecken
Statina beraubt / vnd in Brand gesteckt / 20. Tür-
cken gefangen / vnd 200 groß haupt Vieh bekommen.
Die vbrigen Türcken alle / sampt hab vnd Gut haben sich
in das Schloß begeben / vnd sich mit schiessen vnd steins
werffen daraus geweret / welches die vnser wenig geacht/
vnd nur das Fehr hinein geworffen / dardurch das darin
nen liegende Pulffer angezündt / das sich die Türcken
sampt Weib vnd Kind / zum Thurm herab gestürzt vnd
also bey 400 Türcken/im Fehrer verdorben vñ vmbkomen.

Vnd nach verrichtung dessen / haben die vnsern Ve-
ronita bereñet vnd belagert/auch bereit zimlich hinzuge-
setzt.

Auß Wien/vom 15 Septemb. ist der
5 vnser Septemb.

Gut ist ein Post auß dem Lager komen vom 13/darin
sie melden / das sie nu mehr das Lager stracks ver-
schanzt/vnd ob wol der Feind im werck die Bestung

A ij

mit

mit Volsck/Proviant / vnd Munition zu succorieren/so werde man doch solches hoffentlich verwehren/vnd würde vnser Belagerung nicht vergebens sein.

Auß Wien/ vom 13 Septemb. Anno 97.

Sestern Abents ist von Ihr Kay. May. ein Schreiben komen mit dem Inhalt/ire Kön. Wird. werde in 3 tagen drey Earthauen/Schoßweit von Raab gelegen / vnd den 9 diß solche Bestung berennen lassen / vnd als bald vmb vnd vmb belagern / also dz nun schon etliche tag dieselbe beschossen haben / neben vermeldung / das man einen Türcken / so der Bassa von Raab nach Offen mit Schreiben an Türkischen Keyser schicken wollen / vffs gefangen/die lauten das sie sehr bedrenget werden/Also das sie mit Volsck vnd Proviant nicht gnugsam versehen sein / vnd bittet dewegen zum höchsten / er wolle / da er hewer selbst nicht heraus komen wolle / solche zu entsetzen hülff schicken. Dann sonst sey es vnmüglich solche Bestung zuerhalten/vnd sey zu erbarmen/ da er diese mechtige Bestung / welche da sey ein Schlüssel zu der ganken Christenheit/ also hülffloß lassen solte.

Auß Presburg/vom 24. Augusto.

V So heut aus dem Lager von Pappa komen / zeigt an/ als die Türcken/so man abziehen vnd beleiten lassen / auff ein viertel Meilwegs gewesen / Sol eingelegetes Gewr vffgangen sein / vnd ein Pollwerck zersprengt / dar durch der vnsern 200 sollen umbkomen sein/ Darauff Ihr Kön. würde / die Türcken wieder zu rück holen lassen / vnd alle auffer etliche wenig der fürnembsten so gefangen gehalten worden/ niederhawen lassen.

Auß

Auß dem Vngerischen Veltlager bey Gran/
vom 23. Dito.

Sind wir seind vorgestern aussen gewesen / der meiste
nung den Türcken ihr Lager zu plündern vnd etwas
zuversuchen / aber wir seind gar zu zeitlich durch ihre
macht erkündiget worden / vnd sein also Gestern wieder hie
her ins Lager kommen / Sonsten nichts Schriffwürdig /
allein 2 Bassa seind auff's New wider zu den vorigen / der
Türcken Lager / vnd doch nur mit 1000 Mann gestossen /
vnd herauß komen / das grosse Heer / kömpt auff lengst auff
den 10 September auch an.

Auß Eholgay / vom Letzten Augusti

Anno 97.

Son hinnen auff ditzmal weiß ich nicht anders zu
schreiben / weil der Herr Veltobester von Tiefsen
bach mit grosser vnd beschwerlicher Kranckheit belaa
den / auch kein zusammenkunfft / oder Anzug verhanden / son
der was von wenig Volck von Spannschafften geschickt /
sein auff die Vestungen / so herumbliegen als Ennodt /
Ziver / Eholgay geordnet / vnd dasselbe ist auch schlecht ge
nug / Sonsten den 20 Augusti haben die vnsern / von
Dnet vffm streiff die Türcken von Erla angetroffen / vñ sie
in die Flucht geschlagē / 20 lebendiger Türckengefangen /
vnd sonsten viel Ross vnd Vieh mit hinweg gebracht / als
sein die Türcken wenig Rüstung oder Panzer angehabt /
vnd sein auch wie sie selbst melden / zu Erlaw so furchts
samb / das sie zum Wasser zu ihrer notturfft nicht herauß
gehn dörfen.

Auß Weissenburg / vom Ersten Septemb.

Sleich disse stund sagt mir ein vertraute Person / wie
das der Bezir Bassa / oder des Türcken General
Veltobester / so herauß zeuch / den 24 Augusti v
ber

ber die Saw / bey Griechisch Weissenburg gesetzt / mit
7000 Janisscharen / vnd zuecht nach Offen. Also sein
zwey vorneme Christen beyn Serando gefessen / vnd bey
Griechisch Weissenburg ledig worden.

Der Vasa von Themischwar zuecht auch auff Offen
zu. Der Obbemelte Bezir Vasa hat dem Siebenbürg
ger hieher geschrieben vnd gebeten / er woll kein tumult
auff der Grenzen anheben / sonder still vnd ruhig sein. Das
wird er wol nicht thun / sonder viel mehr bey dieser guten
gelegenheit sein Glück vnd heil in kurtz versuchen / der All-
mechtige Gott wolle seiner armen Christenheit beystehen.

Auß dem Christlichen Veltlager zwischen Raab
vnd Aldenburg / vom 6 Dito.

In Newen weiß ich noch zur zeit wenig aus vns
serm Veltlager zu schreiben / man besichtiget vnd
musteret alles Volck / damit man gründlich weiß /
was für Volck vorhanden / hat man die Ungern gemustert /
Gestern vnd heut die Wallonen / derer vber 4000 gesun-
der aller nicht vorhanden / die Musterung macht sie lustig /
dann es wird ein jeder bezahlt.

Der Margraff von Burgaw / ist gestern Gott lob
frisch vnd gesund im Lager alhier ankomen.

Gestern haben etliche Hayducken einen statlichen Tür-
cken / so von Constantinopel heraus kuffschen / nach Offen
gewoldt / vnd des Türkische Keyfers Postmeister vnd vora-
nehmer Zausch einer ist 6 meil von Offen gefangen /
lebendig mit sampt zwelff schreiben so er bey sich gehabt /
anhero ins Lager gebracht / vnd Ihre Königin. Wirde
präsentirt / was er aber im Examen aus saget ist mir noch
zur zeit vnbewußt.

Von Caschaw schreibt man mir vom 20 Augusti /
der Tattern durchbruch / sey Gott lob / durch Herrn von
Zieffen

Ziessenbach welche glücklich gestillet / vnd zu einem guten
End gebracht worden / man dürffe sich diß Jar der Katz
tern halben gar nicht besorgen.

Auß dem Belager negst vnder Naab/vonn
9 Septemb. Anno 97.

Den 7 dis seind wir mit vnserm Lager 2. meil vnter
Bngerischen Aldenburg wiederumb auffgebros
chen / vnd das Nachtlager an der Rabnitz gehals
ten. Den 8 seind wir wiederumb mit dem ganzen Lager
fort gezogen / vnd alda bey der Bestung Naab / zwischen
beiden Wasser ankomen / vnd alda vnser Lager geschlagen.
Der Feind hat am fürüber ziehen starck an vns geschossen /
aber Gott sey lob wenig schaden gethan.

Anno 1597. den 12. Septemb.
ankomen.

Der Cardinal ist mit 25000 Mann auffgezogen /
Amiens zuentsetzen / weil aber der König zu Bräck
reich so starck darvor / das er ihm im Felt begegnet /
sol ein treffen geschehen / vnd der Cardinal geschlagen
sein. Etliche wollen schreiben / Das er ohne Leibes ge
fahr nicht entkommen / vnd Regen vnd Egmont vff dem
platz blieben / mit vielen ansehnlichen Capiteynen. Merke
Augusto.

MAn schreibet auch newlich das Amiens von den Frans
zosen mit Gewalt erobert / vnd die Spanische besat
zung ganz erschlagen sey.

Die Statischen fahren immer fort / haben nach erobes
rung Bergs / Nörß eingenomen / gedencken iho nach
Grol

18 WA 3
nach Grol vnd Bredfort / vnd also die Tuent gar vnter
sich zubringen.

Die Englisch Armada / so den 11 Julij außgefahren / ist
vff der See tempestatibus zerschlagen / das die helffe
in Biscaya / die ander helffe in Engelandt ankomen / Der
Hollender Amiral vntergangen / in der See.

Die Herkogin von Julich / sol vff den Bedt für 8
tagen todt funden sein.

D. Freimonii Key. Vicecanklers Weib gestorben /
vnd in S. Thomas, absente marito begraben magno
cum luctu, vnd sol Signor Corradutius wieder Cank-
ler werden. D. Freimonius in Bayern bleiben wollen.

Der Türck kömpt dis Jar nicht in persona ins Felt /
weil ihme der Perser ein Einfal gethan / vnd etlich örter
abgenommen / hat aber den Mahomet Bassa mit 60000.
man geschickt in Ungern / der sol aus Seruia / Bosna /
Epiro / vnd andern umbliegenden örtern sich stercken / vnd
defensivè den Christen widerstand thun / die auch bey
6000 stark vnd für Papa sich gelagert vnd Raab verbey-
gezogen / diese Bestung fame ad deditionem zubringen /
weil aber der Türck vber 400 Wagen Camel vnd Ross
durcheinander / mit Proviand beladen / hinein bracht /
werden sie vff einander impressagedencken müssen.

Der Türck hat alles Geschük aus Griechisch Weissenburg
nach Constantinopel führen lassen / vnd das Geschük von Erla wi-
der dahin bracht / vber 100 Stück.

Der Beeg von Jula gefangen / vnd etlich Tatern geschlagen
von Herren Zieffenbach.

Des Siebenbürgers Legaten den 4 Augusti bey Ihrer May.
ankomen / wegen des friedens Tractation zupflegen / so der Türck
im vnd irer May. angestellt.

Moscowiter sol dem Polen den frieden vffgekündigt haben /
daher Krieg vermutet wird.

or do

WA 5 II

